



Publicaziuns dalla vischnaunca, jamna 2

Damonda da baghegiar

Nr. 2012-1001

Datum da publicaziun: ils 13 da schaner 2012

Ils patruns: Thomas e Barbara Bieger, Hirtenstrasse 3A, 9008 St. Gallen

Il representant: SwissHaus AG, caum postal, St. Jakobstrasse 21, 9004 Sogn Gagl

Object: Casa nova d'ina famiglia, parcella 1287, Via Acletta 20, 7180 Disentis/Mustér

Ils plans da construcziun ein deponi tier l'administraziun communal.

L'investa publica cuoza 20 dis dapi il datum dalla publicaziun.

Eventualas protestas encunter sura damonda da baghegiar ein d'inoltrar a scret enteifer 20 dis alla istanza da baghegiar, caum postal 57, 7180 Disentis/Mustér. La protesta sto esser motivada e sutta-scretta dil recurrent ni da siu representant.

Disentis/Mustér, ils 6-1-2012

Uffeci da baghegiar Disentis/Mustér

Cussegl da vischnaunca

Il cussegl da vischnaunca seraduna mesjamna, ils 18 da schaner 2012 allas 2000 en halla Cons a sia emprema seduta d'uonn.

Tractandas:

1. Protocol nr. 23-2009/2012
2. Meglieraziun funsila: Decisiun da principi (messadi nr. 35-2009/2012)
3. Revisiun parziala dalla planisaziun locala: 2. lecziun (messadis nr. 36- e 36.1-2009/2012 e rapport supplementar)
4. Ura da damondas (conform ad art. 44 dil regulativ da fatschentas)

La presidenta dil cussegl da vischnaunca

Votaziun cantunala e communal *Elecziun cantunala e regiunala*

La documentaziun da votar duess mintga votant(a) haver obteniu. Cass cuntrari san ins s'annunziar immediatamein, denton **sil pli tard entochen venderdis, ils 27 da schaner 2012 allas 17.00** tier l'administraziun communal (tel. 081 920 36 36).

Levgiament da votar

Mintga votant(a) ha la pussevividad da dar giu sia vusch a scret. En gliez mument sto el/ella observar il suadont:

1. Emplenir ora ils cedels da votar e metter quels en la cuviarta da votar e serrar giu ella.
2. Metter la cuviarta da votar ensemen cun il certificat dil dretg da votar suttascret en la cuviarta, cun la quala Vus haveis obteniu la documentaziun da votaziun.
3. La cuviarta ch'ei adressada all'administraziun communal saveis Vus tarmetter cun posta (suppli cau da francar) ni directamein fierer en la scaffa da brev dalla casa communal.

Ils cedels da votar ston esser **sil pli tard la sonda, ils 28 da schaner 2012 allas 12.00** tier l'administraziun communal. Il certificat dil dretg da votar ei da suttascriber. Senza Vossa suttascripziun cun agen maun ei la votaziun **nunvaleivla**.

Suprastonza communal Disentis/Mustér



Taglia da tgauns 2012

Naven d'immediat **entochen la fin fevrer 2012** san las marcas da tgauns vegnir retratgas tier l'administraziun communal. La taglia da tgauns munta pigl'emprems tgaun **frs. 120.–**, per mintg'ulteriur tgaun ella casada **frs. 180.– per onn**.

Per scadin tgaun sur treis meins che vegn tenius sin territori dalla vischnaunca ei da pagar ina taglia. Tgauns da polizia, da lavinas, per tschocs e suords ein deliberai dalla taglia, ston denton purtar la marca da tgauns.

Nus supplichein da comunicar all'administraziun communal midadas, q.v.d. tals che han retratg 2011 ina marca da tgauns ed han buca pli il tgaun, ni novs possessurs da tgauns. Naven dils 1-1-2007 ston tuts tgauns esser marcai cun in microchip ni cun ina tetovaziun bein veseivla. Il tgaun sto era esser registraus tier la Animal Identity Service AG (Anis), Berna.

Nus supplichein tut ils possessurs da tgauns da risguardar quellas prescripziuns. Plinavon fagein nus attents Vus sin suandontas prescripziuns:

Cuors da tgauns – cuors obligatori

Cuors teoretic, artechel 68 alinea 1, ordinaziun davart la protecziun d'animals

Tgi che ha aunc mai possedi in tgaun ei obligaus d'absolver il cuors teoretic avon che cumprar in tgaun. Quei vala per mintga possessur da tgauns che sa buca demussar ch'el ha gia possedi in tgaun avon ils 1-9-2008.

Cuors practic, artechel 68 alinea 2, ordinaziun davart la protecziun d'animals

Enteifer igl'emprems onn da cumpra sto mintga possessur cumprovar il mussament dil cuors practic. Quei vala per mintga tgaun che vegn ni ei gia vegnius cumpraus suenter ils 1-9-2008. Quei cuors sto vegnir absolvius cun mintga niev tgaun.

Igl attest dil cuors sto vegnir presentaus tier la retratga dalla marca da tgauns per igl onn 2012. Ulteriuras informaziuns anfleis Vus sut www.bvet.admin.ch ni sut www.fludog.ch.

Administraziun communal Disentis/Mustér

Plan da quartier Caschuarz II

Introducziun dalla procedura pil plan da quartier: Conclus definitiv

Encunter la publicaziun dils 2 da december 2011 davart l'intenziun d'introducir per la parcella 546 a Caschuarz la procedura pil plan da quartier ei vegniu inoltrau neginas protestas. Perquei ha la suprazonza communal decidu da realisar definitivamein pigl'intschess dalla parcella 546 a Caschuarz la planisaziun da quartier.

Ulteriuramein ha la suprazonza communal fixau definitivamein igl'intschess pertuccau. La procedura pil plan da quartier, resp. la procedura pil regruppament da terren sedrezzan tenor art. 51 ed art. 65 e suandonts dalla lescha davart la planisaziun dil territori LPT, sco era art. 16 e suandonts dall'ordinaziun davart la planisaziun dil territori dil cantun Grischun OPT.

Il plan da quartier ed il regruppament intendan en special da reglar el rom dallas prescripziuns dalla planisaziun locala l'avertura dil quartier, il plan da surbaghegiada per la part dalla zona da habitar H2 ch'ei aunc buca surbaghegiada, sco era da fixar la relaziun denter habitaziuns primaras e secundaras. Il plan da situaziun cuagl'intschess pertuccaus dalla procedura ei publica **naven dils 13 da schaner 2012** entochen ils 13 da fevrer 2012 en casa communal Mustér (stanza nr. 10) mintgamai duront las uras da spurtegl.

Encunter l'introducziun dalla procedura per la planisaziun da quartier e la fixaziun digl'intschess pertuccau sa, el senn dallas prescripziuns d'art. 16 OPT, vegnir recurriu enteifer 30 dis dapi la publicaziun officiala alla Dertgira administrativa dil cantun Grischun.

Disentis/Mustér, ils 10-1-2012

Suprazonza communal Disentis/Mustér



Purschida gratuita

La vischnaunca da Mustér porscha a ses habitonts la pussevkladad da visitar gratuitamein la Casa da traffic a Lucerna, www.verkehrshaus.ch. Al spurtegl dall'administraziun communal sa **per mintga di digl onn vegnir retratg 5 entradas gratuitas**.

En quella purschida ei cunteniu:

- entrada gratuita ella Casa da traffic a Lucerna cun museum, planetarium, museum da Hans Erni
- teater da film IMAX per in prezi special (frs. 4.– reduzziun)
- 10% rabat sin artechels ella stizun dil museum

Co fuss ei da far inagada in'excursiun a Lucerna, forsa gest cun nezegiar la carta dil di per viagiar cun quasi tut ils mieds da traffic publics en Svizra? Dapli informaziuns retscheveis Vus tier l'administraziun communal Mustér (telefon 081 920 36 36 ni e-mail: admin@disentis.ch).

Nus giavischein ina nunemblideivla aventura el museum il pli frequentau en Svizra.
Suprastonza communal

Controlla da habitonts Naschientschas

Maria Matos Figueiras, naschida ils 22 da december 2011, feglia da Patricia Maria Ferreira Matos Figueiras e Rui Miguel de Carvalho Figueiras.

Andrin Müller, naschius ils 4 da schaner 2012, fegl da Karin e Werner Müller-Schmed.

Banca Raiffeisen Cadi Preavis radunonza generala 2012

La radunonza generala dalla Banca Raiffeisen Cadi ha liug

**venderdis, ils 13 d'avrel 2012 allas 20.00 el
center da sport a Mustér.**

*Banca Raiffeisen Cadi
cussegl d'administraziun*

Pendicularas Mustér

Naven dils 9 tochen ils 27 da schaner 2012 envidan las Pendicularas Mustér 3000 tut las senioras e seniors dad ir gratuitamein cun la pendiculara a Caischavedra ed anavos.

Bergbahnen Disentis 3000
Via Aletta 2
7180 Disentis

tel: +41 (0)81 920 30 40
www.disentis3000.ch



Center sursilvan d'agricultura

Referat: Natürlich bauen – mit Lehm, Stein, Holz Donnerstagvormittag, 26. Januar 2012

Vor dem Referat des Baubiologen Martin Meiler von Flims kann um 11 Uhr das Wohnhaus der Familie Flepp-Degonda an der Via Alpsu 37 in Disentis/Mustér besichtigt werden. Anschliessend findet der Vortrag über natürliches Bauen im Center sursilvan d'agricultura statt (www.biologischbauen.ch). Leichtes Mittagessen wird auf Wunsch organisiert.

Anmeldung erforderlich bis 16.1.2012 unter Tel. 081 936 48 00 oder info@agricultura.ch.

Weitere Informationen erhalten Sie unter: www.agricultura.ch.

Referat: Baghegiar natural – cun arschella, crap, lenn Gievgia avonmiezdi, ils 26 da schaner 2012

Avon il referat dil biolog da baghegiar Martin Meiler da Flem sa vegnir visitau allas 11.00 la casa dalla famiglia Flepp-Degonda, Via Alpsu 37 a Mustér. Silsunter ha liug el Center sursilvan d'agricultura il referat sur da baghegiar natural (www.biologischbauen.ch). In pign gentar vegn purschiu sin giavisch.

Annunzias entochen ils 16-1-2012 sut 081 936 48 00 ni info@agricultura.ch.

Ulteriuras informaziuns sut www.agricultura.ch.

Uniun da dunnas Mustér Mummas cun affons pigns

Nus mein a magliar raclette gievgia, ils 26 da schaner 2012 allas 19.30 el restaurant La Furca.

Annunzias pren Ada Lutz, tel. 081 947 61 31, bugen encunter **entochen ils 20 da schaner 2012**.

Mummas e babs ein cordialmein envidai.

Mummas cun affons pigns Mustér

Fuffernadi da mupi per novizs dall'annada 2008 e 2009

Haveis Vus mummas cun Vies affon dall'annada 2008 e 2009 tschaffen da fuffernar in'ura da moviment, legria, zambergiar e cantar en emperneivla cumpignia e cuntentientscha? Lu envidel jeu Vus cordialmein per in'ura da fuffernadi da mupi **gievgia, ils 19 da schaner 2012 dallas 9.30–10.30** el Center da sport, Mustér.

Bugen prendel encunter las annunzias sut tel. 081 936 43 86 ni 076 516 11 68.

Amicabels salids la menadra Riccarda Flury-Casanova

Ludoteca Mustér

Liug/Ort: Halla Cons, tel. 076 494 39 92
e-mail: ludoteca@disentis.ch



Uras d'avertura/Öffnungszeiten:

Gliendisdis/Montag: 18.30–20.00

Gievgia/Donnerstag: 16.00–17.30

Venderdis/Freitag: 18.30–20.00

Naven dils 26 da december 2011 entochen ils 6 da schaner 2012, pia duront las vacancas da Nadal e Daniev, resta la ludoteca Must.r serrada. Naven dils 9 da schaner 2012 ei il team dalla ludoteca puspei cheu per Vus.

Nus engraziain per Vossa capientscha.

Il team dalla ludoteca Mustér giavischa bialas e ruasseivlas fiastas da Nadal e pigl onn niev tut bien.

Biblioteca populara Mustér

Praulas e historias cun Mats, la miur

Eis ti denter 3 e 6 onns? Has ti gust da vegnir cun tia mumma ni cun in'otra persuna d'accumpnament en biblioteca e tedlar praulas ni historias?

Mats, la miur e nus dalla biblioteca raquintein a ti ina praula ord in cudisch da nossa valischa da surprises e quei mintga gada il secund venderdis dil meins dallas 14.30 entochen ca. allas 15.30. Nus selegrein zun fetg sin tei ...

Tgisà, forsa anflein nus mintgatun aunc enzatgei auter che mo cudischs en nossa valischa da surprises!

Cun ils pli cars salids e sin seveser tochen gleiti.

Mats, la miur ed il team dalla biblioteca populara Mustér

Biblioteca populara Mustér

Liug: Casa da scola, tel. 081 947 52 90, biblioteca@disentis.ch

Sut www.disentis.ch ni www.bibliotecas-surselva.ch anfleis Vus nies entir catalog bibliotecar.

Per e-mail saveis Vus reservar ina ni pliras medias ed enteifer 5 dis retrer ad emprest ellas en biblioteca populara.

La biblioteca ei aviarta:

Gliendisdis 18.30–20.00 uras

Mardis 13.30–15.00 uras

Gievgia 16.00–17.30 uras

Venderdis 18.30–20.00 uras

Nies motto: Leger . . . tedlar . . . mirar . . . !

Nus selegrein da mintga viseta.

Biblioteca populara Mustér